

Headlines

1. प्रधानमंत्री नरेंद्र मोदी होर अज्ज बडुलै 11 बजे आकाशवाणी पर मन की बात कार्यक्रम राएं लोके कन्नै अपने बचार सांझा करडन।
2. उपराज्यपाल मनोज सिन्हा होरें जम्मू च बिग इम्पैक्ट 2026 गी संबोधित करदे होई उद्यमिं गी जम्मू-कश्मीर दी अर्थ बवस्था गी नमिं काहडें ते निष्ठा कन्नै मजबूत करने लेई आखेआ।
3. जम्मू-कश्मीर विधानसभा नै ध्वनि मत कन्नै त्रै बिल पास कीते जिंदा मकसद समाजी न्याऽ, न्यायिक बवस्था ते जीन जीने गी सौखा ते सखल्ला बनाना ऐ।
4. जम्मू च पैहली अंतरराष्ट्री मैराथॉन, केई प्रतिभागी एहदे च बरखा दे बावजूद शामिल।
5. जम्मू-कश्मीर पुलस नै रियासी दे माहौर इलाके च लश्कर ए तैयबा सहयोगी दी संपत्ति जबत कीती।

<><><><><><>

PM-MKB

प्रधानमंत्री नरेन्द्र मोदी होर अज्ज बडुलै 11 बजे आकाशवाणी पर अपने “मन की बात” कार्यक्रम राए देश-विदेश दे लोके कन्नै अपने विचार सांझे करगंन। हर महीने दे खीरी ऐतवार गी प्रसारत होने आहले इस कार्यक्रम दी एह 132मीं किशत होगा। कार्यक्रम दा प्रसारण आकाशवाणी ते दूरदर्शन दे समूलचे नैटवर्क- ए.आई.आर. न्यूज वेबसाईट ते न्यूज ऑन ए.आई.आर mobile app दे अलावा डी.डी न्यूज- प्रधानमंत्री हुंदे दफ्तर ते सूचना ते प्रसारण मंत्रालय दे यू-ट्यूब चैनलें पर बी होगा। हिंदी प्रसारण दे तुरंत बाद एहदा डोगरी भाशा च अनुवाद प्रसारित कीता जाहगा। डोगरी भाशा च अनुवाद तुस स्हाडे इस्सै चैनल पर राती 8 बजे इक बारी परतियै सुनी सकदे हो।

<><><><><><>

LG-Award

उपराज्यपाल मनोज सिन्हा होरें जम्मू-कश्मीर दी अर्थ बवस्था गी मजबूत करने आस्तै सारे उद्यमिणं ते उपलब्धियां हासल करने आहलें गी आखेआ ऐ जे ओहू नमिणं काहडें ते जज्बे कन्नै कम्म करना। एहू गल्ल उनें कल जम्मू च बिग इम्पैक्ट अवार्ड-2026गी संबोधित करदे होई आक्खी। उपराज्यपाल होरें उद्यमिणं दी उन्दे लचीलेपन ते निष्ठा लेई सराहना कीती जेडे चुनौतिणं ते विस्तारवारी बजार आहले बदलदे रौंऽ कन्नै अगगे बदा'रदे ना। उनें आखेआ जे प्रधानमंत्री नरेंद्र मोदी हुंदी अगुवाई च भारत वैश्विक सतह पर नमिणं काहडें आहले केंद्र ते बल दे तौर पर विकसित होआ रदा ऐ जेहड़ा सेई मायने च कारोबारी चुनौतिणं गी मौके च तब्दील करदा ऐ। उनें राष्ट्रीय शिक्षा नीति मगरा शिक्षा ते कोविड-19 मगरा दी प्रगति गी उजागर कीता। उपराज्यपाल होरें बिग इम्पैक्ट अवार्ड दे अगले संस्करण च करसान समुदाय गी शामिल करने दा सुझा दित्ता तां जे जम्मू-कश्मीर दी अर्थ बवस्था च उंदी भूमिका गी उजागर कीता जाई सकै।

<><><><><><>

Assembly-Bills

जम्मू-कश्मीर विधानसभा नै कल मुखमंत्री उमर अब्दुल्ला हुंदे आसेआ पेश कीते गेदे त्रै प्रमुख बिलें गी मूंह जवानी वोटें कन्नै पास करी दित्ता जेहडे जम्मू-कश्मीर च आम लोकें दे जीव गी सैहल-सखल्ला बनाने, समाजी न्याय गी यकीनी बनाने ते न्यायिक कुशलता बधाने बक्खी इक महत्वपूर्ण गैऽ ऐ। इनें बिलें कन्नै निक्के-मुट्टे कसूरें गी अपराधिक श्रेणिणं शा बाहर रखना, कोड बमारी सवां प्रभावित लोकें कन्नै फरकोफरकी खत्म करने ते सिविल अदालती बवस्था गी मता निगार बनाने च मदद थहोग। सबनें 3 बलें गी बिचार करने दे बाद मूंज जवानी वोटें कन्नै पास करी दित्ता गेआ। एहदे शा पैहले विधायकें आसेआ प्रस्तावित तरमीमें गी मुखमंत्री उमर अब्दुल्ला हुंदे आसेआ भरोसा दोआए जाने दे बाद परताई लैता गेआ।

<><><><><><>

Speaker-NEVA

विधानसभा दे स्पीकर अब्दुल रहीम राथर होरें कल विधानसभा परिसर च उच्च सतह दी एपेक्स कमेटी दी बैठक लाइयै राष्ट्री ई-विधान ऐप दी प्रगति दा जायजा लैता। इस बैठक च केई सारे विधायक ते वरिष्ठ अधिकारी शामिल होए। स्पीकर होरें समेंसिर प्रोजैक्ट गी पूरा करने ते विधानसभा देविजन कागज कम्मकाज करने पर जोर पाया। उनें अधिकारिणं पर इस गल्ला

पर जोर पाया जे ओहू जम्मू ते श्रीनगर विधानसभा परिसर आस्तै हार्डवेयर ते नेटवर्क सरबन्धी उपकरण दी खुशखरीद आहली प्रक्रिया च तेजी आहनन। उनें मैहकमे बश्कार तालमेल पर जोर पाया तां जे विधानसभा दी प्रक्रिया अज्जै कल्लै स्हाबै चली सकै ते इत्थुआं दी विधानसभा गी पूरी चाल्ली डिजिटल होई सकै।



Jitender Singh JK Youth

केंद्री मंत्री डॉ. जितेंद्र सिंह होरें आखेआ ऐ जे पिछले 11एं बरें च प्रधानमंत्री नरेंद्र मोदी हुंदे नेतृत्व च सरकारै जम्मू-कश्मीर दे नौजवानें गी मुखधारा च आहनने गी यकीनी बनाया ऐ जेह्दे नै इनें नौजवानें दे आत्मविश्वास गी बधाया ऐ ते उंदिएं आसें-तांगें दा दायरा ते स्तर बी बधेया ऐ। युवा मामलें ते खेड्डें सरबन्धी मंत्रालय आसेआ कश्मीर दे नौजवानें गी मुखबै दे बाकी हिस्सें दे नौजवानें ते इलाके कन्नै वाकफ कराने लेई शुरू कीते गेदे “वतन को जानो” नांऽ दे प्रोग्राम तैहत दौरे पर आए दे नौजवानें कन्नै गल्लबात करदे होई डॉ. जितेंद्र सिंह होरें आखेआ कि जम्मू-कश्मीर दे नौजवान हुन सिविल सर्विसस ते होरनें मतेयानें च सबनें शा अब्वल आवा करदे ना। उनें आखेआ कि जम्मू-कश्मीर दे नौजवान समूलचे मुखबै च कम्म करने ते अगडे बधने दे मौके तलाशा करदे न ते सैलसफा खातर तवज्जो ते हवाबाजी दे क्षेत्र च योगदान देआ करदे ना।



Jammu-Marathon

अज्ज बडुलै बरखा दे बावजूद बी जम्मू दी पैहली-पैहली अंतरराष्ट्री मैराथॉन द्रौड च हिस्सा लैने आहलें दे जोश च कोई कमी दिक्खने गी नेई लब्बी ते ज्हारां बहे लोकें एह्दे च शामिल होने लेई पुज्जे। सैलसफा मैहकमे आसेआ आयोजित इस द्रौड दा मकसद नौजवानें च ऐसी जीवनशैली गी बढावा देना ऐ जेह्दे च नशाखोरी लेई कोई थाहर नेई होऐ। मुखमंत्री उमर अब्दुल्ला, जेह्डे आपूं बी 21 किलोमीटर लम्मी द्रौड च शामिल होऐ, होरें जम्मू दे मोलाना आजाद स्टेडियम थमां झंडी दस्सियै रवाना कीता। बॉलीवुड दियां हस्तियां जियां जे मिलिंद सुमन ते गुल पनाग बी नशामुक्त जीवन दा संदेश दिंदे होई मैराथान च शामिल होऐ। एहू द्रौड त्रै श्रेणिएं च कराई जा करदी ऐ। 21 किलोमीटर हॉफ मैराथान, 10 किलोमीटर फिटनेस रन ते 5 किलोमीटर फन रन। जेत्तुएं गी कल 1 करोड 33 लक्ख रपे दे नकद ईनाम दित्ते जाने ना।



Reasi Prop. Attached

जम्मू-कश्मीर पुलसै कल रियासी जिले दे माहौर इलाके च रौहने आहले आतंकवादी सहायक दी संपत्ति गी जब्त कीता ऐ। एह संपत्ति मोहम्मद कासिम दी ऐ जेड़ा पाकिस्तान आधारित आतंकवादी संगठन लश्कर-ए-तैयबा कन्नै सरबंधत ऐ। अधिकारिएं मुजब एह कार्रवाई गैर कनूनी गतिविधिएं दी रोकथाम सरबंधी कनून तैहत कीती गई ऐ। कासिम दा नां माहौर पुलस थाने च इक मामले तैहत दर्ज ऐ। एह कार्रवाई पुलस ते राजस्व सरबंधी अधिकारिएं आसेआ बलाई गई। अधिकारिएं दोहराया ऐ जे उनें सारे व्यक्तिएं यां फही संगठनें खलाफ कार्रवाई कीती जाहग जेड़े राश्ट्र दी सुरक्षा, शांति लेई खतरा ना।

<><><><><><>